

confistit in similitudine, quæ quoad antenus Deum inter,  
 infinitum, ac alias creaturas finitas intercedit; utroq;  
 semper oculo respiciendum erit ad *tertium*, quod vocant,  
*comparationis*, ob quod creaturarum nominibus atque  
 proprietatibus summum Numen insignitur. vid. *Glass Phil.*  
*S. p. III 6.* Lucem affundam rei unico exemplo. Nempè  
*Cantic. I. 13.* cœlestis animarum sponfus, Christus, saluta-  
 tur *fasciculus Myrrhæ*. non quasi Christus sit *gummi* aliquod  
*myrrheum*, una colligatum, quæ olim in pectore suspen-  
 dere solebant fœminæ, sed ratione tertii comparationis.  
 Nam sicut succus myrrhinus (de quo vid. *Lundii Jüdi-*  
*sche Heiligth. p. 150.*) insigni pollet amaritudine; ita quoq;  
 Christi passio amarissima extitit, & sicut myrrhæ fasci-  
 culus ex gummi myrrhino confectus, appendebatur à  
 fœminis, odore ejus fragrantissimo recreari cupienti-  
 bus, adeò ut eundem ne noctu quidem deponerent; ita  
 etiam passio Christi debet cordi nostro antiquissima, &  
 quam maximè sacra esse, adeò ut nulla ætatis vicissitudo,  
 nullusq; temporis decursus tam sanctam memoriam no-  
 stro evellere possit animo. vid. *Dn. Theod. Dassov. Diss. 3. de*  
*Emphasi sacrarum vocum ex veteri historia Ebræa repetenda*  
*Commat. 1. p. 3. sqq.* Pariter summo Numini per *αὐθροπία*  
*πείθειας* tribui librum, evincit *B. Seb. Schmidtus in de Libro Vita*  
*Diss. § 3. p. 7.* Quodsi verò illæ res, quæ ad Deum ac-  
 commodantur, imperfectionis quandam labem comple-  
 ctuntur, omnem imperfectionis maculam removeas,  
 necesse est. Hinc vetus juxta proverbium, *πολλὰ αὐθρο-*  
*πία θῶς λέγονται, ἀλλὰ θεοπρεπῶς νοῦνται*, multa dicuntur hu-  
 manitus, quæ intelligenda divinitus, quem vulgatissimum  
 quoq; canonem inculcant *Pfeifferus in Thesaur. Hebræicæ*  
*Can. 110. p. 408.* & *Kromayer. Theol. pos. p. II. p. 40.* Cedro di-  
 gna sunt verba *Mosis Amvraldi in Dissert. de mysterio Trinitatis*